



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Sulpici[i] Severi Presbyteri Opera Omnia**

**Sulpicius <Severus>**

**Amstelodami, 1665**

Ionathas Princeps Iudæor. Pontif.

**urn:nbn:de:hbz:466:1-11490**

bellum gerebat. Ac primum, <sup>1</sup> per Bacchidem quendam <sup>9</sup>  
<sup>2</sup> & Alchimum Judæum, ductus exercitus: <sup>3</sup> post Nicanor  
 bello præpositus, in prælio occubuit. Tum Bacchides & <sup>10</sup>  
 Alchimus, resumtis viribus, auctisque copiis, adversum  
 Judam conflagunt. In ea pugna, <sup>4</sup> victores Syri, cruento  
 admodum victoria sunt usi.

XXXV. Hebræi, in locum Judæ, <sup>5</sup> Jonathan, fratrem <sup>1</sup>  
 ejus, deligunt. Interea Alchimus, <sup>6</sup> cum fœde Hierosoly-  
 mam

<sup>1</sup> Per Bacchidem.] Ioseph. xii. 18.  
 I Macchab. ix.

<sup>2</sup> Et Alchimum Judæum.] Scribo  
 Alchimum. Nam Græce Α'λκίμω, &  
 in historia Ebraica אֶלְחִימֹו. Alio no-  
 mine Jacimus dicebatur, teste Iosepho.  
 Utrumque nomen extat in sacris. Nam  
 Alcimus est Eliacim, & Jacimus, Ioa-  
 cim, qui Ebræis Iehojacim sive Iojacim.  
 Alcimus iste, ut est in historia Ebraica,  
 tempore Antiochi, mutata lege, car-  
 nes suillas comederat. Sunt qui scri-  
 bunt ipsum ex familia Aharonis fuisse,  
 sunt rursus qui negent. Ut ut sit, con-  
 stitutus fuit sacerdos à Demetrio. I Ma-  
 chab. vii. 7. Videatur Ioseph. l. xii.  
 c. 15. cui dissidium cum priore Macha-  
 bæorum, in eo quod scribit post exces-  
 sum Alcimi populum, communibus  
 suffragiis, pontificatum Iudæ tradidisse,  
 qui eum per triennium administravit.  
 Nam Alcimus diu post Iudam vixit.  
 Successit enim Lysimacho. an Mene-  
 lao? quem Menelaum rex suasu Lysia  
 missum in Beroeam occidi curaverat.  
 Quare offensus Onias Menelai filius in  
 Ægyptum concessit, ibique impetrato  
 à Ptolemæo rege loco, in præfectura  
 Heliopolitana, templum simile Ieroso-  
 lymitano extruxit. *Drusus.* Eorum qui  
 Lysimachum, postremum in superiore  
 serie Pontificem prætermittunt, alii scri-  
 bunt Antiochum Eupatorem, Epipha-  
 nem alii, alii Demetrium Sotorem, Ia-  
 cimum, id est, Joachim (ut Ruffino  
 interdum etiam nominatur in Iosephi  
 versione) item dictum post Menelaum  
 substituisse. Iosephus τὸν δὲ ξερῶ-

σὺβλω, inquit, Α'λκίμω δέδωκεν, ὅτι  
 ὄντι τῶ δὲ ξερῶν Ἰουδαίῳ. Minime ne-  
 gat Iosephus Alcimum fuisse ex genere  
 Sacerdotali, sed ex Pontificali, id est,  
 ex nepotibus illis, qui jure à majoribus  
 recepto, & satis constanter per pluri-  
 mos annos observato aut in Pontificis  
 dignitatem, sanguinis proximitate, suc-  
 cedere deberent, aut vicinius succe-  
 dendi jus obtendere possent. Quin &  
 ipse alibi hunc Iacini nomine memo-  
 ratum, ex Aharonico genere, expressum  
 ait, ὅτι ὄντι τῶ οἰκίας ταύτης. *Selde-  
 nus.* Vide eundem I. de Success. in Pon-  
 tific. ix.

<sup>3</sup> Post Nicanor bello præpositus, in præ-  
 lio occubuit.] Historia habetur apud Io-  
 sephum lib. xii. cap. 17. Gorionidem  
 lib. iv. cap. 24. Vide quoque I Machab.  
 vii. 16. & I Machab. xiv.

<sup>4</sup> Victores Syri.] Hæc gesta sunt anno  
 Græcorum cclii. & in hac pugna Iu-  
 das occubuit, I Machab. ix. Iosephus  
 xii. 18. *Idem.*

<sup>5</sup> Jonathan fratrem ejus deligunt.] Non  
 statim à cæde Iudæ, sed aliquammulto  
 tempore post, cum se tota fere regio  
 Bacchidi tradidisset. I Mach. ix. 24. 25.  
 Vide & Ioseph. xii. Delectus fuit in  
 Principatum, non Pontificatum, quod  
 postea demum factum est, ut paulo post  
 diceretur.

<sup>6</sup> Cum fœde Hierosolyam vastasset.]  
 Destruere muros domus sanctæ interioris  
 jussit. I Mach. ix. 54. De hoc muro  
 Tacitus, emendante Grotio: *Illic im-  
 mensa opulentia templum, & primis ma-  
 nimentis urbi adjuge, intimis clausum.*  
 Voluit

<sup>2</sup> mam vastasset, <sup>1</sup> Moritur. Bacchides socio destitutus, ad  
<sup>3</sup> regem redit. Dein, post biennium rursus, Bacchides bel-  
<sup>4</sup> lum Judæis intulit: <sup>2</sup> victus pacem petit. Quæ propositis  
 conditionibus data, si <sup>3</sup> profugas captivosque, <sup>4</sup> & omnia bello ra-  
<sup>5</sup> pta, redderet. <sup>5</sup> Dum hæc intra Judæam geruntur, adolef-  
 cens quidam Rhodi educatus, nomine <sup>6</sup> Alexander, <sup>7</sup> Antio-  
 chi se esse filium dictitans, (<sup>8</sup>quod falsum erat) adjutus opi-  
 bus

Voluit ergo Alcimus omne discrimen  
 in templo inter Iudæos & Græcos tol-  
 lere, in Græcorum, quibus turpiter ser-  
 viebat, gratiam. *Grotius.*

<sup>1</sup> *Moritur.*] Anno Græcorum CLIII.  
 qui fuit annus secundus Ionathæ. Er-  
 rat igitur Iosephus, dum Alcimo mori-  
 entem successisse dicit Iudam Macha-  
 bæum. Nam is anno præcedenti CLII.  
 occubuerat. Ergo nonnisi biennio Pon-  
 tificatum scelestus Alcimus tenuit. *Horn.*

<sup>2</sup> *Victus pacem petit.*] Gorionides ad-  
 dit Bacchidem à Ionatha captum, juras-  
 se omnia se, quæ ceperat in Judæa, red-  
 diturum. Sed hoc falsum. Nam Iona-  
 thas prior pacem petiit, & parum æquis  
 conditionibus acceptavit. I Mach. IX.  
 Ioseph. XI. 2. 2.

<sup>3</sup> *Profugas captivosque.*] Captivi  
 utrimque redditi fuerunt. De transfugis  
 reddendis nulla mentio nec apud Iose-  
 phum, nec in libris Machabæorum.  
*Drus.*

<sup>4</sup> *Et omnia bello capta.*] Falsum &  
 hoc. Nam nec Ierosolymam, nec alias  
 Judææ urbes petere ausus est. Hinc Io-  
 nathas sedem suam in oppido Machmas  
 posuit. *Ioseph.*

<sup>5</sup> *Dum hæc intra Judæam geruntur.*] Anno Seleucidarum CLX. I Machabæo-  
 rum cap. X. Iosephus lib. XII. cap. 3.

<sup>6</sup> *Alexander.*] Alexander Balas, si-  
 ve Bales. Iosepho dicitur Balles: aliis  
 ὁ Βαλαῖ, id est, filius Balæ, quibusdam  
 Veles. De hoc Appianus in Syriacis:  
*Adversus Demetrium exortus est quidam  
 Alexander, falso in Seleucidarum gentem  
 sese inserens: quem Ptolemæus Ægypti rex  
 forebat odio Demetrii, atque ita conve-  
 nientibus Ægyptiis, Alexander Demetrium*

regno expulit. Qui postquam in exilio de-  
 functus est, filius paterno nomine Deme-  
 trius regnum recepit, & quia vicit alienum  
 à sua familia, Nicatorem Syriæ cognominave-  
 runt, ut secundum post Seleucum, à quo de-  
 scenderunt reges Syriæ. Et Justinus lib. 35.  
*Antiochenfes adjuvantibus Ptolemæo rege  
 Ægypti, & Attalo rege Asia, & Ariar-  
 rathe Cappadociæ, bello à Demetrio læssi-  
 ti, subornant propalam quendam, fortis ex-  
 tremæ juvenem, qui Syriæ regnum, velut  
 paternum, armis repeteret, & ne quid con-  
 tumeliæ deesset, nomen ei Alexandro indi-  
 tur, genitusque ab Antiocho rege dicitur.  
 Tantum odium Demetrii apud omnes erat,  
 ut æmulo ejus non vires regiæ tantum, ve-  
 rum etiam generis nobilitas, consensu om-  
 nium, tribueretur. Vide & Livii Epit. 111.  
 Lipsium Monit. & Exemp. Polit. II.  
 Alexander hic Βαλαῖς, vel ὁ Βαλαῖς,  
 Latinis Propala vel Prompalus dictus  
 videtur. I. Capellus. Vide Iustinum 35.  
 & ibi Commentatores.*

<sup>7</sup> *Antiochi.*] Epiphanis. I Mach. 10.  
 Ioseph. 13. 4. ex Bala Concubina. *Se-  
 lian.* Eupatoris. *Iyra. Carth. Adrichom.*  
 Quod falsum: quia Eupator anno ata-  
 tis XII. occisus.

<sup>8</sup> *Quod falsum erat.*] Sic habes Pseu-  
 do-Drusum. Tacit. 5. Aunal. Pseudo-  
 Neronem. Suet. Pseudo-Ariarathen. *Val.  
 Max.* 9. 16. Pseudo-Johannem. *Pachy-  
 mer.* 111. 12. 13. & alios. Iosephus ta-  
 men, & historia Machabæorum, nihil  
 dubitant quin Antiochi Epiphanis fi-  
 lius fuerit, XII. 4. Et scæpe, qui veri  
 successores sunt, ab æmulis, præsertim  
 victi, crimine tali onerantur, ac cum  
 tempore mendacium gliscit. *Horn.*